



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:03-34-2-303-2/20
Datum: 11.02.2020.

Na osnovu člana 5. Odluke o finansijskoj podršci školovanju redovnih studenata dodiplomskog studija (prvog ciklusa) u akademskoj 2019/20. godini Općinski načelnik donosi

K R I T E R I J E

za dodjelu finansijske podrške redovnim studentima dodiplomskog studija (prvog ciklusa) viših i visokoškolskih ustanova za akademsku 2019/20. godinu

I

Iz Budžeta Općine Tešanj dodjeljuje se finansijska podrška redovnim studentima viših i visokoškolskih ustanova dodiplomskog studija (prvog ciklusa) (u daljem tekstu: studenti), sa područja općine Tešanj, koji ispunjavaju uslove utvrđene ovim Kriterijima.

II

Na osnovu člana 2. Stav 2. Odluke OV-a Tešanj, broj 01-02-1-2106-2/19 od 23.12.2019. godine, Općina Tešanj **neće davati finansijsku podršku studentima 1. i 2. godine** za zvanja profesor bosanskog jezika, profesor engleskog jezika, profesor razredne nastave, profesor tjelesnog odgoja, inženjer drumskog saobraćaja, kriminalista, diplomirani pravnik i diplomirani ekonomista u akademskoj 2019/2020. godini.

Finansijsku podršku može dobiti student sa područja općine Tešanj koji studira na višoj ili visokoškolskoj ustanovi u BiH, pod uvjetom :

- da u akademskoj 2019/20. godini ima status redovnog studenta i da je prvi put upisao godinu studija prvog ciklusa,
- da ne prima kredit ili stipendiju od drugog kreditora, odnosno stipenditora, niti jednokratnu finansijsku podršku u tekućoj akademskoj godini (**osim od Ministarstva obrazovanja ZDK**),
- da ne obnavlja godinu studija na istom ili drugom fakultetu,
- da nema status apsolventa,
- da nije u radnom odnosu
- da nije stariji od 25 godina života (za studente na trogodišnjem ili četverogodišnjem studiju)
- da nije stariji od 27 godina života (za studente na jedinstvenom studiju koji traje 5 ili 6 godina)
- da živi na području općine Tešanj zajedno sa roditeljima (ukoliko su živi) i

- da ukupna primanja svih punoljetnih članova domaćinstava po članu ne prelaze **350,00 KM** (ne odnosi na studente iz kategorije PPBiŠ, studente čiji su roditelji nosioci najvišeg ratnog priznanja (čl. 2. stav 1. tačka 1. Zakona o posebnim pravima dobitnika ratnih priznanja i odlikovanja i članova njihovih porodica “Sl.novine FBiH”, broj: 70/05 i 70/06), studente iz porodice RVI sa stepenom invalidnosti sa i preko 50%, studente sa prosjekom ocjena 9 i više i učenike generacije iz srednje škole).

III

Finansijska podrška se dodjeljuje za 2019/20. akademsku godinu, u jednakim mjesečnim ratama. Visina mjesečnih rata utvrđena je Odlukom o finansijskoj podršci školovanju redovnih studenata u akademskoj 2019/20. godini.

IV

Studenti iz kategorije PPBiŠ, studenti čiji su roditelji nosioci najvišeg ratnog priznanja (čl. 2. stav 1. tačka 1. Zakona o posebnim pravima dobitnika ratnih priznanja i odlikovanja i članova njihovih porodica “Sl.novine FBiH”, broj: 70/05 i 70/06), studenti iz porodice RVI sa stepenom invalidnosti sa i preko 50%, studenti sa prosjekom ocjena 9 i više i učenici generacije iz srednje škole, finansijsku podršku školovanju dobivaju automatski bez bodovanja i bez obzira na profil zanimanja, s tim što će se odabir krajnjih budućih korisnika finansijske podrške školovanju vršiti na osnovu bodovanja prema slijedećim kriterijima:

1. OSTVARENI USPJEH

- studenti prve godine sa boljim prosječnim uspjehom ostvarenim u toku srednjoškolskog obrazovanja. (Bodovanje će biti izvršeno tako što se prosječna ocjena na kraju svakog razreda srednjoškolskog obrazovanja uvećava za 4 i množi sa koeficijentom 5);
- studenti koji su pokazali bolje rezultate u prethodnim godinama studija (Bodovanje će biti izvršeno tako što se prosječna ocjena svih položenih ispita množi sa koeficijentom 5);

Napomena: U slučaju prijave na konkurs studenta čije su ocjene na fakultetu iskazane od 1-5, primjenjivat će se tumačenje Ministarstva za obrazovanje, nauku, kulturu i sport ZDK, kada je u pitanju raspon prolaznih ocjena.

2. GODINA STUDIJA

za godine studija, počevši od druge godine, student dobiva:

1. student druge godine - 4 boda,
2. student treće godine - 6 bodova,
3. student četvrte godine - 8 bodova,
4. student pete godine - 10 bodova,
5. student šeste godine - 12 bodova.

3. SOCIJALNO- EKONOMSKA SITUACIJA

Bodovanje će se izvršiti zavisno od primanja po članu domaćinstva kako slijedi:

do 100,00 KM	20 bodova
od 100,00 KM do 140,00 KM	16 bodova,
od 140,00 KM do 160,00 KM	14 bodova,
od 160,00 KM do 190,00 KM	12 bodova,
od 190,00 KM do 230,00 KM	10 bodova
od 230,00 KM do 300,00 KM	8 bodova,
od 300,00 KM do 350,00 KM	6 bodova

NAPOMENA:

Kod bodovanja za primanja, za vlasnike i direktore preduzeća, pravnih lica (DOO/DD) obračunavat će se prosječna plata u FBiH, a za vlasnike radnji i sl. (fizička lica kao STR, SZR, prevoz itd.) obračunavat će se prosječna plata u ZE-DO Kantonu.

Za članove porodice koji su u postupku penzionisanja, obračunavat će se najniža penzija u FBiH.
U slučaju kada su roditelji studenta razvedeni, potrebno je dostaviti dokaz o alimentaciji ili ovjerenu izjavu da ne prima alimentaciju. Ukoliko je jedan roditelj umro, dokaz o ostvarenoj porodičnoj penziji ili ovjerenu izjavu da ne ostvaruje porodičnu penziju.

4. STUDENTI IZ ISTE PORODICE

Za slučaj prijavljivanja 2 ili više studenta iz jedne porodice, potrebno je da oba prijavljena studenta ispunjavaju uslove konkursa, da bi se studentu koji bude imao bolji prosjek ocjena dodijelilo 5 bodova više.

5. STUDENTI SA INVALIDITETOM

Za studente koji imaju dokaz o vlastitom invaliditetu, po bilo kom osnovu, dodjeluju se bodovi kako slijedi:

invalidnost do 30 % - 2 boda

invalidnost od 30-60% - 4 boda

invalidnost preko 60% - 6 bodova

6. POSTIGNUTI REZULTATI NA TAKMIČENJIMA I POSEBNA PRIZNANJA

- Studenti koji imaju posebna priznanja fakulteta za uspjeh tokom studiranja – 6 bodova
- Studenti prve godine studija, koji su osvojili jedno od prvih 3 mjesta na federalnim i državnim takmičenjima iz znanja – 4 boda.

7. BODOVI ZA DEFICITARNA ZANIMANJA

Studentima prvog ciklusa koji studiraju **građevinu, arhitekturu, geodeziju, elektrotehniku, mašinstvo i medicinu** bit će dodjeljeno dodatnih 5 bodova.

8. BODOVI ZA DRUŠTVENI ANGAŽMAN I VOLONTERSKI RAD

članstvo u udruženju/klubu – 2 boda

učesće u radu organa ili u vođenju projekata MZ ili udruženja/kлуба – 1 bod

9. STUDENTI SA ISTIM BROJEM BODOVA

Ukoliko se prilikom bodovanja pojavi više studenata sa istim brojem bodova, odlučujući faktor za dodjelu stipendije bit će prosjek ocjena.

V

Općinski načelnik raspisuje Konkurs, a Komisija za dodjelu finansijske podrške školovanju provodi propisanu proceduru te predlaže Općinskom načelniku konačan spisak korisnika finansijske podrške. Bodovanje se vrši na osnovu validne dokumentacije.

Komisija će u slučaju osnovanih sumnji u tačnost raspoloživih informacija i dokumenata izvršiti dodatne provjere.

U svim slučajevima u kojima se dokaže netačno i lažno iskazivanje činjenica i stanja, Općina Tešanj će za pokušaj prevare uskratiti pravo učešća u konkursima za stipendiranje od Općine Tešanj u naredne dvije godine.

Prijave studenata čiji roditelji žive na području druge općine neće biti razmatrane.

U slučaju da se pojavi veći broj kandidata za dodjelu finansijske podrške školovanju, Komisija utvrđuje listu prioriteta prema odredbama člana IV ovih kriterija. Konačna lista korisnika finansijske podrške, nakon saglasnosti Općinskog načelnika, bit će istaknuta na oglasnoj ploči. Rok za žalbe i prigovore je 8 dana od dana objavljivanja liste.

VI

Zahtjev/prijavu sa potrebnom dokumentacijom studenti će dostaviti Službi za društvene djelatnosti i investicije Općine Tešanj, sa naznakom "**KOMISIJA ZA DODJELU FINANSIJSKE PODRŠKE ŠKOLOVANJU**".

VII

Po odobrenoj finansijskoj podršci školovanju, zaključuje se Ugovor kojim se poblize uređuju prava i obaveze ugovornih strana. U ime Općine Tešanj ugovor zaključuje Općinski načelnik.

DOSTAVLJENO:

1. Oglasna ploča,
2. web stranica,
3. Šalter sale Tešanj, Jelah, Tešanjka,
4. a/a



OPĆINSKI NAČELNIK

Mr. Sci. Suad Huskić